



MAS'ULIYATSIZ QURILISH TASHKILOTI KEYINGI TENDER TANLOVLARIDA QATNASHISHI TO'G'RIMI?

**21-sentabr kuni
xalq deputatlari
viloyat Kengashining
to'qsoninchi sessi-
yasi bo'lib o'tdi.
Sessiyani deputat
F.Toshev boshqardi.**

Dastlab tashkiliy masala ko'rildi. Shu paytgacha xalq deputatlari viloyat Kengashi kotibiyati mudiri vazifasida ishlagan Zafar Karimov o'z arizasiga binoan lavozimidan ozod etildi. Deputatlar Saidahmad Usmonovni Kengash kotibiyati mudiri vazifasiga tasdiqladilar.

Shundan so'ng kun tartibiga ko'ra, hududlarda maishiy chiqindilarni to'plash va olib chiqib ketish bo'yicha xizmat ko'rsatish uchun majburiy to'lov tariflari miqdorini ma'quullash to'g'risidagi qaror loyihasi muhokama qilindi.

Mutasaddilarning ta'kidlashicha, maishiy chiqindilarni to'plash va olib chiqib ketish bo'yicha xizmat ko'rsatishdagi majburiy to'lov miqdorining oshirilishi xizmat ko'rsatish sifati yaxshilanishiga yordam beradi.

Yangi tariflar Samarqand shahri va tumanida aholi uchun bir kishiga bir oyda 5 ming so'm, yuridik tashkilotlar maishiy chiqindilari uchun 1 metr/kubiga 90 ming so'm, 1 tonnasiga 182 ming 550 so'm, suyuq chiqindilar uchun 86 ming 525 so'm, Kattaqo'rg'on shahri va tumanlar aholisi uchun bir kishiga bir oyda 4 ming 129 so'm, yuridik tashkilotlar maishiy chiqindilari uchun 1 metr/kubiga 59 ming 693 so'm, 1 tonnasiga 155 ming 824 so'm, suyuq chiqindilar uchun 70 ming 600 so'm etib belgilanmoqda.

Deputatlar davlatimiz rahbarining "O'zbekiston Respublikasining ijtimoiy va ishlab chiqarish infratuzilmasini rivojlantirish dasturi hamda boshqa davlat dasturlari ijrosi ustidan nazoratni kuchaytirishga doir qo'shimcha chora-tadbirlar to'g'risida"gi qarorining ijrosi yuzasidan viloyat ichki ishlar boshqarmasi boshlig'i R.Mamatovning hisobotini eshitdi.

Hisobotga ko'ra, joriy yilda viloyat hokimligi buyurtmasiga asosan, viloyat 3-sektori hududida 23 ta ijtimoiy soha obyektlari qurish, rekonstruksiya qilish va mukammal ta'mirlash ishlarini olib borish belgilangan. Shu kunga qadar 21 ta obyekt qurilish ta'mirlash ishlarini to'liq yakunlab, foydalanishga topshirilgan. Qolgan ikkita obyekt - Samarqand tumanidagi 10-umumiy o'rta ta'lim maktabini rekonstruksiya qilish, Gulobod mahallasi hududida ixtisoslashtirilgan maktab yil

oxiriga qadar foydalanishga topshirilishi rejalashtirilgan. Ushbu obyektlardagi qurilish-montaj ishlariga 160 milliard 449 million so'm mablag' ajratilgan.

Hududlardagi sektor ishchi guruhlari tomonidan olib borilgan o'rganishlar jarayonida obyektlarning qurilish ishlarida buyurtmachining texnik nazorati hamda loyihachining mualliflik nazorati qoniqsiz ahvolda ekanligi, ishlar sifatsiz bajarilgani aniqlangan. Jumladan, Urgut tumani Mo'minobod mahallasidagi 127-umumta'lim maktabini rekonstruksiya qilish davomida hudud obodonlashtirilmagan, beton yo'laklar tashkil etish ishlari chala qolgan, tom qismidagi yog'ochlarga yong'inga qarshi ishlov berilmagan.

Samarqand tumanining Arabxona mahallasidagi 9-maktabni rekonstruksiya qilish, 300 o'rinni o'quv binosi qurish ishlarida ijro hujjatlari to'liq yuritilmagan, hudud obodonlashtirilmagan.

Nurobod tumanining Nurbuloq shaharchasidagi 41-umumta'lim maktabi maydoni vaqtinchalik to'siq devor bilan o'ralmagan, g'isht terish ishlari shaharsozlik normalari asosida bajarilmagan.

- Qurilish ishlarini amalga oshirish, nazoratini tashkil etish va shaffoflikni ta'minlashda kamchilik va muammolar borligini barchamiz bilamiz, buni sessiyalarda muhokama ham qilyapmiz, - dedi F.Toshev. - Ammo avvalgi yillardagi qurilish ishlarida kamchiliklarga yo'l qo'ygan quruvchi tashkilot bu yilgi tender tanlovlari ham paydo bo'lyapti. Qurilish sohasida o'rnatilgan tartiblarga rioya qilmay, aholining haqli e'tirozlariga sabab bo'layotgan qurilish tashkilotini jazo sifatida tenderlarda qatnashishini cheklash, mutaxassislarining o'z vazifasini lozim darajada bajarishi, qurilish ishlarining sifatiga xizmat qilmaydimi?

Sessiya davomida yilning birinchi yarmida norma ijodkorligi hamda huquqni qo'llash amaliyoti holati yuzasidan viloyat adliya boshqarmasi boshlig'i S.Nuriyevning, xotin-qizlar bandligini ta'minlash borasida amalga oshirilgan ishlar yuzasidan viloyat kambag'allikni qisqartirish va bandlik bosh boshqarmasi boshlig'i T.Mahmudovning axborotlari tinglandi. Shuningdek, "Samarqand suv ta'minoti" MCHJ raisi K.Yusupov aholini ichimlik va oqova suv bilan ta'minlash darajasini oshirish bo'yicha amalga oshirilgan ishlar hamda kelgusidagi rejalarga to'g'risida hisobot berdi.

Sessiyada muhokama etilgan masalalar yuzasidan qarorlar qabul qilindi.

Viloyat hokimi Erkinjon Turdimov Birlashgan Arab Amirliklari poytaxti — Abu Dabi madaniyat va turizm departamenti bosh direktori Salih Muhammad Saleh al-Gazeri boshchiligidagi delegatsiya bilan uchrashuv o'tkazdi.

Muloqotda turizm sohasidagi hamkorlikni yanada rivojlantirish, Abu Dabi va Samarqand o'rtasida havo qatnovlarini ko'paytirish masalalari muhokama qilindi.

E.Turdimov Samarqandning turistik salohiyati va keyingi yillarda amalga oshirilgan ishlar, mazkur soha vakillariga berilayotgan imtiyozlar haqida ma'lumot berdi.

O'z navbatida Salih Muhammad Saleh al-Gazeri mamlakatimizda turizmni rivojlantirish borasida keng ko'lamli islohotlar olib borilayotganini e'tirof etib, ushbu yo'nalishda hamkorlik qilishga tayyorligini bildirdi.

SAMARQANDdan ABU DABIga AVIAQATNOVLAR KO'PAYTIRILADI



ALI QUSHCHI ILMIY MEROSI DUNYO OLIMLARI NIGOHIDA

Samarqand davlat universitetida "Ali Qushchi - Mirzo Ulug'bek ilmiy maktabining buyuk vakili" mavzusida xalqaro ilmiy konferensiya bo'lib o'tdi. Unda Matematika instituti direktori Shavkat Ayupov, Astronomiya instituti direktori Shuhrat Egamberdiyev, shuningdek, Boku davlat universiteti rektori Elchin Boboyev, Rossiya kvant markazi direktori Ruslan Yunusov, AQSH, Turkiya, Xitoy, Koreya, Hindiston va boshqa davlatlardan olimlar ishtirok etdi.



(Davomi 3-sahifada) >>>

RUDAKIY YOD ETILDI

Samarqand shahrida fors-tojik she'riyatining atoqli vakili Abu Abdulloh Rudakiy tavalludiga bag'ishlangan adabiy-ma'rifiy tadbir bo'lib o'tdi.

Viloyat hokimligi, Yozuvchilar uyushmasi viloyat bo'limi, Samarqand davlat universiteti, viloyatdagi tojik milliy madaniy markazi hamda "Ovozi Samarqand" gazetasi tahririyati hamkorligida tashkil etilgan tadbirda ijodkorlar va

she'riyat ixlosmandlari ishtirok etdi.

Tadbirda senator F.Toshev, adabiyotshunos olimlar S.Sa'diyev, J.Hamroyev, Yozuvchilar uyushmasi viloyat bo'limi rahbari T.Tug'lov, viloyat tojik milliy madaniy markazi rahbari A.Mahmudov, "Ovozi Samarqand" gazetasi bosh muharriri B. Rahmonov va boshqalar shoir hayoti, ijodi, she'rlarining o'ziga xos xususiyatlari to'g'risida so'z yuritdilar. Tadbir yakunida Samarqand davlat universiteti talabalari shoir she'rlaridan namunalar o'qidi.



2023-yilning fevral oyida Turkiyaning janubida ro'y bergan zilzila oqibatida falokatdan jabr ko'rgan oilalarga hamdardlik hamda ularning ko'ngliga taskin berish maqsadida davlatimiz rahbari Shavkat Mirziyoyev Turkiya davlatlar tashkilotining navbatdan tashqari sammitida qardosh xalq vakillarining yurtimizga sayohatini tashkil etish tashabbusini bildirgandi.

TURK QARDOSHLARIMIZ SAMARQANDNI ZIYORAT QILDI

Ushbu tashabbus asosida shu kunlarda qahramon-marashlik bir guruh fuqarolar yurtimizda mehmon bo'lib turibdi.

Dastlab Toshkent va Jizzaxga sayohat qilgan mehmonlar 22-sentabr kuni Samarqandga keldi. Samarqand temiryo'l vokzalida viloyat jamoatchiligi vakillari tomonidan tantanali kutib olingan qardoshlar qadim kentning diqqatga sazovor joylarida bo'ldi.

gi ko'magi tufayli ko'plab insonlarning hayoti saqlab qolindi. Afsuski, bu mudhish voqealarda ko'plab insonlar hayotdan ko'z yumdi. Bugungi delegatsiyamizda zilzila oqibatida yaqin insonlarini yo'qotgan yurtdoshlarimiz Shavkat Mirziyoyev tashabbusi bilan O'zbekiston bo'ylab sayohat qilmoqda. Bundan maqsad ularning ko'nglini ko'tarish, g'amkentning diqqatga sazovor joylarida bo'ldi.



- Joriy yilning 6-fevral kuni Turkiyaning o'n bir viloyatida kuzatilgan vayronagarchiliklar xalqimizni og'ir ahvolga solib qo'ydi, - deydi Turkiya Respublikasi ichki ishlar vazirligi huzuridagi ofat va favqulodda vaziyatlar bosh boshqarmasi mas'ul xodimi, delegatsiya rahbari Sezin Tunan. - Bu vaqtda qardosh xalqlarning yordami, daldasi bizga o'ziga xos kuch bo'ldi. Ayniqsa, O'zbekiston tomonidan ko'rsatilgan yordam alohida e'tirof etish joiz. Ularning qidiruv-qutqaruv ishlarida-

iborat. Yer yuzining sayqali bo'lgan qadim Samarqandning aziz qadamjolarini ziyorat qilgan yurtdoshlarimiz ko'ngli biroq bo'lsa-da, taskin topdi, deb o'ylayman. Sayohat davomida mehmonlar Registon maydoni, Mirzu Ulug'bek muzey-majmuasi, Shohi Zinda yodgorligi, Imom Moturidiy ziyoratgohlarida bo'lib, ilm-fan, islom dini taraqqiyotiga ulkan hissa qo'shgan allomalar hayoti, ijodi, yurtimiz boy madaniy merosi bilan yaqindan tanishdi.

A.ISROILOV.

Sifatli ta'lim yilida yangi o'quv yili qanday boshlandi?

Yoxud boshlang'ich sinflarga bepul ovqat, yangi avlod darsliklari berildimi?

Prezidentimiz 2023-yil 28-fevralda "2022-2023-yillarga mo'ljallangan Yangi O'zbekistonning taraqqiyot strategiyasini "Insonga e'tibor va sifatli ta'lim yili"-da amalga oshirishga doir davlat dasturi to'g'risida"gi farmonini imzolagan edi. Unda 2023-2024-o'quv yilidan boshlab respublikaning barcha viloyatlarida va Toshkent shahrida boshlang'ich sinf o'quvchilarini bepul ovqat bilan ta'minlash yo'lga qo'yilishi belgilangan. Bu haqda prezidentimiz bir necha bor chiqishlarida ham ma'lum qilgandi. Xo'sh, bugun maktablarda boshlang'ich sinf o'quvchilariga bepul ovqat berilyaptimi?

Ushbu masala yuzasidan Samarqand shahridagi 45-, Samarqand tumanidagi 10-va 16-umumiy o'rta ta'lim maktablarida bo'ldik. Biroq ushbu maktablarda hali boshlang'ich sinflarga bepul ovqat berilmayotgan ekan. Holatga aniqlik kiritish maqsadida viloyat maktabgacha va maktab ta'limi boshqarmasi bilan bog'landik. Boshlang'ich sinf o'quvchilariga bepul ovqat berilishi uchun Vazirlar Mahkamasi-ning qarori chiqishi kerak ekan. Ammo hanuzgacha bu haqda hech qanday buyruq, qaror yoki topshiriq berilmabdi. Viloyat bo'yicha umumiy o'rta ta'lim maktablarida boshlang'ich sinflarga bepul ovqat berish yo'lga qo'yilmagan.

MAKTABLARGA YANGI DARSLIKLAR TO'LIQ YETIB BORDIMI?

Biz yuqoridagi nomlari keltirilgan maktablarda yangi avlod darsliklari haqida ham surishtirdik. Ma'lum bo'lishicha, Samarqand shahridagi 45-umumiy o'rta ta'lim maktabida 1-sinflar uchun alifbe, matematika, tabiiy fanlar, musiqiy savodxonlik, tasviriy san'at, tarbiya, texnologiya, informatika va axborot texnologiyalari fanlaridan yangi darsliklar va mashq daftarlari kelgan. Ingliz tilidan esa hali darslik berilmagan.

2-sinflar uchun matematika va musiqa, 3- va 4-sinflar uchun matematika, o'zbek tili darsliklari, o'qish daftari kelgan, xolos. Qolgan fanlardan yangi avlod darsliklari kelmagan. Maktabda boshlang'ich sinf o'quvchilariga eski darsliklar berilgan.

Maktabda jami o'quvchilar soni 2295 nafarni, maktab ko'effitsienti 1,8 foizni tashkil qiladi. Yangi o'quv yilida 1-sinfga 175 nafar bola qabul qilingan. Har bir sinfda 35 nafardan o'quvchi o'qimoqda.

Samarqand tumanidagi 10-umumiy o'rta ta'lim maktabiga 1-sinflar uchun birinchi choraklikka mo'ljallangan 14 jamlanma darslik berilgan. Darsliklar og'irlashib ketmasligi uchun har chorakka alohida kitob chiqarilgan. Ikkinchi, uchinchi va to'rtinchi choraklik uchun yangi avlod darsliklari hali yetib kelmagan. Shuningdek, 1-sinflarga ingliz tili darsligi ham berilmagan.

2-sinflarga matematika, o'qish, tasviriy san'at darsliklari va tabiiy fan, jismoniy tarbiya fanlarining daftarlari kelgan bo'lsa, 3-sinflarga matematika, tabiiy fan darsliklari berilgan, xolos. 4-sinflar uchun esa matematika, ona tili darsliklarining birinchi qismi va o'qish savodxonligi darsligi kelgan. Ushbu maktabda ham bolalar eski darsliklar asosida ta'lim olyapti. Bundan tashqari, 8-sinf rus guruhlariga komplekt darsliklar yetishmayapti.

Ayni kunda 3085 nafar o'quvchi ta'lim olayotgan ushbu maktab quvvati 2,7 foiz


ko'effitsientga ega. Maktab direktori Xolida Shamsiddinovaning aytishicha, maktab hovlisidan 780 o'rinni uch qavatli qo'shimcha bino qurilyapti. Rejaga ko'ra, joriy yil oktabr oyi oxirida foydalanishga topshirilgan ekan. Shunda maktab quvvati 1,7 foiz ko'effitsientga tushadi. Joriy yilda maktab 1-sinfga 357 nafar bola qabul qilingan.

Samarqand tumanidagi 16-umumiy o'rta ta'lim maktabiga 1-sinflar



uchun o'zbek va rus guruhlariga yuqoridagi singari birinchi choraklikka mo'ljallangan yangi avlod darsliklari kelgan. O'zbek guruhlar uchun 2-, 3-, 4-sinflarga atigi matematika, o'qish, jismoniy tarbiya, tabiiy fan, tasviriy san'at darsliklari berilgan. 2-sinfdan 4-sinfgacha bo'lgan rus guruhlariga umuman yangi avlod darsliklari kelmagan. Ushbu maktabga yangi o'quv yilida 344 nafar bola 1-sinfga qabul qilingan. Maktab quvvati 1,6 foiz ko'effitsientga ega bo'lib, jami 2009 nafar bola ta'lim olmoqda.

Sifatli ta'lim yilida yangi avlod darsliklari maktablarga to'liq yetib kelmaganligining sababi nimada? Bu haqda viloyat maktabgacha va maktab ta'limi boshqarmasi-ning maktablarni kitoblar bilan ta'minlash bo'yicha mas'ul xodimi Bahodir Norqo'ziyevdan izoh so'radik. Mas'ul xodim yangi avlod darsliklarining faqat birinchi choraklik



uchun chop etilgani kelganini, umumiy hisobda yomon natija ko'rsatishini aytib, bu haqda ma'lumot berishni istamadi.

NEGA MAKTABDA YO'Q DARSLIKLAR DO'KONLARDA SOTILYAPTI?

Ota-onalardan birining aytishicha, 1-sinf ingliz tili darsligi maktablarga berilmagan, ammo kitob do'konlarida sotilmoqda ekan. Holatga aniqlik kiritish maqsadida Samarqand shahri Marmar bozori atrofidagi kitob do'konlarini ko'zdan kechirdik. Haqiqatda kitob do'konlarida 1-sinfdan 4-sinfgacha yangi ingliz tili darsliklari daftarlari bilan birga 55-60 ming so'm atrofida sotilmoqda. Qiziq, maktablarga yetib kelmagan ingliz tili darsligi qanday qilib kitob do'konlarida sotilyapti? Buning ustiga ushbu darsliklar o'quvchilarga tekin berilishi, hatto ijara puli olinmasligi aytilgandi. Darslikda yozilishicha, kitob O'zbekiston Respublikasi Xalq ta'limi vazirligi va AQSH Xalqaro taraqqiyot agentligining O'zbekiston barkamollik uchun ta'lim dasturi hamkorligida chop etilgan. Adadi 694306 nusxa bo'lgan darslik Toshkent shahar, Yunusobod tumani "Kolorpak" MCHJ bosmaxonasida chop etilgan. Sotuvchi ushbu darsliklar Toshkentdan keltirilishini aytdi. Ba'zi ota-onalar darsliklarni do'konlardan sotib olmoqda.

To'g'ri, ta'lim uchun sarmoya ajratishga og'rinmaslik kerak. Ammo avval maktablarga bepul yetkazilishi kerak bo'lgan darsliklar nega kitob do'konlarida bor-u, maktablarga yetib kelmagan? Hatto kitob do'konida boshqa fanlarga oid darsliklar ham sotilyapti. Darsliklar savdosi ham biznesga aylanib ketdimi?

Yana bir gap: eski darslik asosida dars o'tayotgan o'qituvchilar yangi darsliklar keltirilgach, qancha dars o'tgan bo'lsa, o'sha miqdorda darslarni qoldirib, darsini davom ettirishga majbur. Aks holda, o'quv yili yakuniga qadar yangi darslikdagi mavzularni tugata olmaydi. Ammo yangi darsliklar qachon kelishini ham hech kim bilmaydi. Yana-yam achinarlisi, yangi avlod darsliklaridagi mavzular eski darslikdagidan butunlay farq qiladi. Buni ta'lim tizimi rahbarlari va mas'ul xodimlar bilishi va ushbu muammoning oldini olishi kerak edi. Afsus...

Xurshida ERNAZAROVA, "Zarafshon" muxbiri.

Davlat xavfsizlik xizmati Samarqand viloyati boshqarmasi boshlig'i A.Axmedov ishtirokidagi navbatdagi "Rahbar va yoshlar" uchrashuvi Nurobod tumanidagi "IT VILAGE" o'quv majmuasida o'tkazildi.

DXX rahbari nurobodlik yoshlar bilan uchrashdi

Unda tumanning turli hududlaridan kelgan yoshlar bilan muloqot, sayyor qabul tashkil etildi.

Dastlab boshqarma boshlig'i va viloyat, tuman mas'ullari o'quv majmuasida yoshlarning zamonaviy axborot texnologiyalarini o'rganishi uchun yaratilgan sharoitlar bilan tanishdi. O'quvchilar tomonidan yaratilgan loyiha va texnologiyalar ko'rgazmasi o'tkazildi. Shuningdek, kiber sport bilan shug'ullanayotgan o'quvchi-yoshlar bilan muloqot qilindi.

Shundan so'ng yoshlar bilan uchrashuv o'tkazilib, nurobodlik yigit-qizlarning muammolari, taklif va tashabbuslari tinglandi. Qayd etilgan muammo va kamchiliklarga yechim izlandi, bu borada mutasaddilarga vazifalar belgilandi.

Jumladan, Tapaqul mahallasida

yashovchi tadbirkor yoshlardan biri Saidbek Boboyorov IT o'quv markazini tashkil etishi uchun kredit olishda amaliy yordam so'radi. Uning masalasi tegishli bank jalb etilgan holda hal etilishi bildirildi, shuningdek, Saidbekka zamonaviy axborot texnologiyalari o'rgatilishi belgilandi.

Navro'z mahallasida yashovchi N.Toshpo'latovanning 2019-yilda foydalanishga topshirilgan kutubxonaga yangi adabiyotlar keltirish yuzasidan murojaati joyida hal etildi. Yaqin kunlarda kutubxonaga kerakli kitoblar yetkazib berilishi aytiladi.

Uchrashuv davomida nurobodlik yoshlarning shu kabi o'nlab masalalariga yechim topildi. Bilimli, tadbirkor va kasb-hunarli bir guruh yoshlar, nogironligi bo'lgan yigit-qizlarga esdalik sovg'alari va kitoblar sovg'a qilindi.



Dastlabki ma'lumotlarga ko'ra, 2023-yilning yanvar-iyun oylarida viloyatimizdagi sanoat korxonalari tomonidan 14652,2 milliard so'mlik sanoat mahsulotlari ishlab chiqarilgan. Sanoat ishlab chiqarish fizik hajmi indeksi o'tgan yilning shu davriga nisbatan 106,4 foizni tashkil etdi.

Viloyat statistika boshqarmasi axborot xizmati.

Farg'ona viloyatining Qo'qon shahrida o'tkazilgan II Xalqaro hunarmandchilik festivalida 61 nafar samarqandlik usta-hunarmand qatnashdi. Biz ular bilan bog'lanib, tadbir taassurotlariga qiziqdik.

FESTIVALDAN TAASSUROTLAR

— Festival doirasida Rishton tumanida Xalqaro kulolchilik forumi o'tkazildi, - deydi urgutlik usta-hunarmand No'mon Obloqulov. — Unda milliy va xorijiy kulolchilik san'atining o'ziga xos jihatlari, madaniyatlarimiz o'rtasidagi o'xshashliklar muhokama qilindi. Xorijlik hamkasblarimiz bilan ijodiy hamkorlikni yo'lga qo'yishga kelishib oldik.

— Festival har tomonlama foydali bo'ldi, - deydi ishtixonlik yana bir kulol Inobat Rahmiddinova. — Ko'rgazmaga olib kelgan sopol buyumlarimga, ayniqsa, xorijliklar katta qiziqish bildirishdi. O'z navbatida biz ham chetdan kelgan ustalarning ishlari bilan yaqindan tanishish imkoniyatiga ega bo'ldik. Festival yakunida tashkil etilgan savdo yarmarkasida deyarli barcha mahsulotimiz sotildi.

— Bu kabi nufuzli tadbirda birinchi bor ishtirok etishim, - deydi Kattaqo'rg'on shahridan borgan kashtachi Farzona Saparova. — Festival hunarmandlarga katta imkoniyatlar eishigini ochmoqda. Men bu yerda olgan tajribalarimdan foydalanib, xorijga milliy kashtachilik mahsulotlarimizni eksport qilishni rejalashtiryapman.



"ELEKTROSET"

BOSHLIG'I ISTE'MOLCHILARDAN UZR SO'RADI

- Samarqand shahri Qorasuv massividagi 7 ta ko'p qavatli uyga qachon uzluksiz elektr energiya-si beriladi?

- Toyloq tumanidagi Tuyoqli, Payariq tumanidagi G'oyibota hamda Samarqand shahridagi Bog'ibaland mahallalarida o'rnatilgan yangi transformatorlar qachon tarmoqqa ulanadi?

"Hududiy elektr tarmoqlari" aksiyadorlik jamiyati Samarqand hududiy filialida bo'lib o'tgan matbuot anjumanida shu va boshqa savollarga javob olindi.

Ma'lumotlarga ko'ra, 2023-yil kuz-qish mavsumiga tayyorgarlik doirasida 13 dona 35-110 kW kuchlanishli transformator, 2941,2 kilometr elektr uzatish tarmoqlari, 1174 dona 6-10/0,4 kW kuchlanishli transformator punktlari mukammal ta'mirlandi. 129 ta yuqori, 1911 ta past kuchlanishli transformator, 5799 kilometr masofadagi past kuchlanishli elektr uzatish tarmoqlari joriy ta'mirdan chiqarildi. Favqulodda avariylarni qisqa muddatlarda bartaraf etish uchun 36 ta tarmoq transformatori, 20,2 tonna transformator moyi, 75 ta temir-beton tayanch, 1 tonna sim, 5,9 kilometr kabel va 65 ta kabel muf-talaridan iborat zaxira yaratildi. Shun-

ingdek, 542 nafar mutaxassislardan iborat 84 ta ta'mirlash brigadalari, 10 ta maxsus texnika, 42 ta avtotransport va mexanizmlar tashkil etilgan.

- Avvalo, barcha iste'molchilardan elektr energiyasi tizimdagi kamchiliklar va oqsoqlanishlar uchun uzr so'rayman, - deydi "Hududiy elektr tarmoqlari" aksiyadorlik jamiyati Samarqand hududiy filiali boshlig'i Umid Nazarov. — Chunki ko'p hududlarda boshlagan ishlarni o'z vaqtida yakuniga yetkazolmayapmiz. Qayerdadir transformator, qayerdadir beton ustunlar o'rnatish yoki tarmoqqa ulash ishlari turli sabablar bilan o'z vaqtida bajarilmayapti. Joriy yilda dastur va rejalar asosida boshlangan ishlarning 377 tasi to'xtab qoldi. Imkoniyatlarimizni shamalab, yil yakunigacha barcha ishlarni oxiriga yetkazamiz.

Jumladan, Samarqand shahri

Kimyogarlar qo'rg'onida 1,2 kilometr 110 kWli elektr uzatish tarmog'i qurilishi, Afrosiyob, Registon, G'arbiy va Shimoliy podstantsiyalardagi rekonstruksiya ishlari joriy yilning 1-oktyabr-gacha, katta yuklamada ishlayotgan Shohi Zinda podstantsiyasida 4000 kVA transformator 1-noyabrga qadar yangilanadi.

- Aholi murojaatlarini ham o'z vaqtida o'rganib, imkoniyat boricha ijobiy hal qilishga alohida e'tibor qaratyapmiz, - deydi U.Nazarov. — Jumladan, Qorasuv massivida joylashgan birog yuklama ko'pligi tufayli "Hududiy elektr tarmoqlari" AJ Samarqand tumani filialiga qarashli elektr tarmoqlariga ulangan 7 ta ko'p qavatli uylardagi uzilishlar "Motrid" podstantsiyasiga 6300 kVA kuch transformatori o'rnatish orqali barham topadi. Hozirda bu borada ish olib boryapmiz, joriy



yil yakunigacha barcha uylar uzluksiz elektr bilan ta'minlanadi. Shuningdek, Ishtixon, Qo'shrabot va Oqdaryo tumanlarida joylashgan elektr podstantsiyalarining kuchlanish quvvati ikki barobarga oshirilgan bo'lsa, bu ishlar Samarqand, Kattaqo'rg'on, Payariq hamda Bulung'ur kabi tumanlarda yil yakunigacha nihoyasiga yetkaziladi. Shuningdek, Toyloq tumanidagi Tuyoqli, Payariq tumanidagi G'oyibota hamda Samarqand shahridagi Bog'ibaland mahallalarida o'rnatilgan yangi transformatorlar ham bir hafta ichida tarmoqqa ulanadi.

Matbuot anjumanida jurnalistlarni qiziqtirgan savollarga soha mutasaddilari javob berishdi.

Dilmurod TO'XTAYEV.

Sharof Rashidov nomidagi Samarqand davlat universitetida publitsist va shoir Ismat Ko'chiyev bilan ijodiy uchrashuv o'tkazildi. Ismat Ko'chiyev yozuvchi va shoir, jamoat arbobi. U 2022-yilda O'zbekiston Yozuvchilar uyushmasi a'zoligiga qabul qilingan. Shuningdek, Belarus Yozuvchilar uyushmasi a'zosi hisoblanadi. Prezidentimiz farmoniga ko'ra, Vatanimiz mustaqilligining 32 yiligi arafasida Ismat Ko'chiyev "Do'stlik" ordeni bilan taqdirlandi.



Adib o'zbek va rus tillarida ijod qiladi. Uning ijodida biografik publitsistika janri alohida o'rin tutadi. Shu paytgacha u "Sharaf Rashidov – pobeditel" ("Sharof Rashidov – g'olib"), "Sharaf Rashidov – sozidatel" ("Sharof Rashidov – bunyodkor") kabi siyosiy-ijtimoiy portretlarni yaratdi. Ushbu kitoblarda tarixchi sifatida davlat arbobi Sharof Rashidovning yorqin hayot yo'lini tahlil qilarkan, shaxsning tarixdagi roli naqadar katta bo'lishini takror-takror ta'kidlagan.

Ismat Ko'chiyevning yana ikkita asari – "Jannat rayhonlari" va "Ulug'lar chorbog'i" nomli kitoblari o'zbek tilida chop etilgan. Uning "Babur. Skvoz veka" ("Bobur. Asrlar oralab") nomli kitobida Zahiriddin Muhammad Bobur ijodiy merosining jahon taraqqiyoti tarixidagi o'rni borasida mulohaza yuritiladi.

O'zbekiston va Belarus Yozuvchilar uyushmalari a'zosi, tanilgi jamoat arbobi, publitsist, "Do'stlik" ordeni sohibi, yozuvchi Ismat Ko'chiyev bilan ijodiy uchrashuv doirasida ijodkorning yangi nashr etilgan kitoblari, xususan "Sharof Rashidov – bunyodkor" nomli kito-

Ismat Ko'chiyevning ruboiylari, "Bolalik chorbog'i", "Talabalik yillarim" she'riy turkumlari e'lon qilingan. Uning she'riyatida bolalik va talabalik davriga xos samimiyyat barkamollik yoshida ham tozaligicha saqlangan. Shoir uchun "teng kelomas hech qanday qo'shiq bolalik bog'larin shivirlashiga". Uning nazarida inson bolaligidan olgan samimiyyati butun umr davomida ezguliklar yaratishga qodirdir.

2023-yilda O'zbekiston Yozuvchilar uyushmasida Ozarbayon xalqining ardoqli farzandi, davlat va jamoat arbobi, Ozarbayonning birinchi prezidenti Haydar Aliyevning 100 yilligi munosabati bilan Ismat Ko'chiyevning "Haydar Aliyevning g'alabasi" kitobi taqdimoti bo'lib o'tdi.

Keng ko'lamda bo'lib o'tgan ushbu taqdimotda muallifning kitobida o'zbek va ozarbayon xalqlarining asrlardan beri davom etib kelayotgan do'stligi, ikki xalqning taqdiridagi uyg'un nuqtalar haqida hayajon bilan yozilgan yozuvchi va adabiyotshunoslar tomonidan ta'kidlandi.

Tadbirda adib Ismat Ko'chiyev kitoblarning yaratilish tarixi,



bi taqdimoti o'tkazildi. Uch asardan iborat ushbu kitobni rus tilidan o'zbek tiliga SamDU boshlang'ich kasaba uyushmasi ko'mitasi raisi dotsent Shavkat Maxmatmurodov tarjima qilgan.

Anjumanda SamDU professorlari Hotam Umurov, Ibodulla Mirzayev, Farhod Nabiyev, Mahmud Narzullayev va boshqalar kitob haqida o'z fikrlarini bildirdi.

tanlangan qahramonlar hayoti va ijodiga alohida to'xtaldi. Shuningdek, tadbirda universitet xorijiy va mahalliy professor-o'qituvchilari va talabalar tomonidan berilgan savollarga ijodkor tomonidan batafsil javoblar qaytarildi.

Uchrashuv yakunida Ismat Ko'chiyev kitoblar to'plamini universitet kutubxona fondiga tuhfa qildi.

(Davomi. Boshlanishi 1-sahifada).

Dastlab so'zga chiqqan viloyat hokimi Erkinjon Turdimov xalqaro konferensiyada qatnashayotgan barcha ishtirokchilarni qutladi.

- Bugun biz Ali Qushchi kabi betakror va ulug' allo-ma merosiga murojaat qilyapmiz, - dedi viloyat hokimi. - Zero, bu matematika va astronom olim faoliyatiga bag'ishlangan tadbirning Samarqandda o'tkazilishida ramziy ma'no bor. Chunki Ali Qushchi XV asrda aynan Samarqandda tug'ilib voyaga yetdi, kamol topdi hamda ilmiy asarlarini arab va fors tillarida yozib qoldirdi. U boshlang'ich bilimlarni Samarqanddagi madrasalarda, matematika va astronomiyaga oid bilimlarni esa bevosita Qozizoda Rumi va Mirzo Ulug'bekdan o'rgangan. Bino-barin, Ali Qushchi o'z asarlarida Samarqand ilmiy-adabiy muhitining qudrati va salohiyatiga yuksak baho bergan, bu haqda bir nechta risolalar yozgan.

Xalqaro ilmiy konferensiyada so'zga chiqqanlar Mirzo Ulug'bek va Ali Qushchining ilmiy maktabi, ilm-fan rivojiga qo'shgan hissasi haqida ma'ruzalar qildi. Ikki kun davom etgan anjumanda xorijdan kelgan olimlar va mahalliy oliy ta'lim muassasalari professor-o'qituvchilari Ali Qushchi qoldirgan ilmiy merosni chuqur o'rgandi, tahlil qildi. Uning matematika, geometriya, astronomiya, falsafa fanlariga qo'shgan hissasi dunyo olimlari tomonidan e'tirof etildi.

Shuningdek, tadbir doirasida Samarqand davlat universiteti rektori Rustam Xolmurodov AQSHning Dallasdagi Texas universiteti Nanotexnologiya instituti direktori o'rinbosari Anvar Zohidovga universitetning "Faxriy professori" unvonini topshirdi.

Sanoat korxonalari iqtisodiy barqarorlikni ta'minlash, ish o'rinlarini saqlab qolish va yangilarini yaratishda muhim o'rin tutadi. Shu bois bugungi kunda respublikamizda sanoatni rivojlantirish, eksportga yo'naltirilgan raqobatbardosh mahsulotlar ishlab chiqarishni kengaytirishga katta e'tibor qaratilyapti hamda ularning uzluksiz ishlashi uchun sharoitlar yaratildi. Shu asosda bugungi kunning muhim vazifalaridan biri bo'lgan eksport salohiyatini oshirish maqsadida barcha sohalarda tadbirkorlar uchun qulaylik yaratish orqali ularga amaliy yordam berilyapti.

EKSPORTYOR KORXONALARGA MAHSULOTLARNI QADOQLASH

va tamg'alashga oid tushunchalar berildi

O'zbekiston texnik jihatdan tartibga solish agentligining davlat nazorat departamenti, Ilmiy-sinov va sifat nazorati markazi va Milliy metrologiya instituti Samarqand filiali mutaxassislari tomonidan ushbu yo'nalishda tizimli ishlar amalga oshirilib, eksportyor korxonalarining muammolari o'rganilmoqda. Yaqinda departament xodimlari Urgut tumanidagi poyabzal ishlab chiqaruvchi "EURO STYLE SHOES" MCHJ faoliyati bilan tanishdi.

Korxona eksport faoliyatini rivojlantirayotgan istiqbolli ishlab chiqaruvchilardan biri. Tayyorlanayotgan 507 ming AQSH dollarilik mahsulot Qozog'iston va Tojikiston davlatlariga eksport qilinayotgani bunga yaqqol misol. Endilikda korxona rahbarlari oldida xalqaro standartlarni keng joriy etish va ushbu talablar asosida mahsulot ishlab chiqarishni ko'paytirish vazifasi turibdi.

Departament xodimlari tomonidan korxonaning soha yuzasidan muammoli masalalari o'rganilib, ishlab chiqarilayotgan mahsulotni qadoqlash va tamg'alashga oid tegishli tushunchalar berildi, sohaga doir qonunchilik bo'yicha yangiliklar tushuntirildi. Shuningdek, korxona vakillari bilan kelgusida ishlab chiqarilayotgan mahsulot sifatini oshirish yuzasidan hamkorlikda ishlashga kelishib olindi.

Parviz SHAHKATOV,
Davlat nazorat departamenti viloyat bo'limi inspektori.

ALI QUSHCHI ILMIY MEROSI DUNYO OLIMLARI NIGOHIDA



Intervalni "Enter" tugmasi bilan sozlaydiganlar qancha ekan?!

Tahririyatga korxona rahbarlarining biridan maktub keldi. Unda rahbarning o'zi duch kelgan bir holat tasvirlangan. To'g'risi, u qabul qilgan amaliyotchilar hamma joyda uchrasa-da, ko'pchiligimiz bu haqda gapirishga hafsala qilmaymiz. Ammo talabchan rahbarning savollari judayam oddiy bo'lgani uchun holat kishini tashvishga qo'yadi. Yaxshisi, o'qib, o'zingiz baho bering.

"Oliy ta'lim muassasalaridan birida 3-kursni tamomlagan, hozirda filialimizda amaliyot o'tayotgan bir talaba amaliyot dasturi hujjatlariga imzo qo'ydirish uchun xonamga kirdi.

Yoshlar bilan muloqot qilish, ularning qiziqishlari, fikr-mulohazalarini bilish, umuman, yoshlar ishiga befarq emasligim sababli kompyuterdagi ishimni to'xtatib, talabaga yuzlandim.

Salom-alik, so'rashishdan so'ng suhbatni boshladik. Odatda yoshlar bilan suhbatda o'qiyotgan sohasi bo'yicha bilimi, dunyoqarashini ham biroz "imtihon"dan o'tkazib qo'yish odatim bor. Shu odatimga ko'ra o'tkazilgan suhbatdan parcha:

- O'qishingiz grant asosidami yoki shartnomadami?
- Kontraktman.
- Ota-onangiz kasbi nima?
- Rasmiy ishda ishlamaydilar, dehqon-chilik, uy ishlari.

- Ota-onangizga ming rahmat, ular o'zlari o'qimagan bo'lsa-da, halol mehnat bilan sizni o'qitaypti. Ularning bu sa'y-harakatiga munosib tarzda yetuk mutaxassis bo'lib, orzularini ushaltirish zarur. Buning uchun faqatgina institutdagi ta'lim yetarli emas, o'z ustingizda ko'proq ishlab, o'qiyotgan sohangiz, axborot texnologiyalari, horijiy tillarni yaxshi o'rganish kerak. Keling, ingliz tilida biroz muloqot qilamiz (Uchinchi bosqichni bitirgan talaba hech bo'lmaganda boshlang'ich muloqotni olib bora olar degan umidda bu taklifni bildirgandim).

- Yo'q, hali o'rganmadim, xohish bo'lmayapti, lekin o'rganish kerak (bu javobda mantiq ko'rmadim).

- Kompyuterda ishlashni o'rgandimgizmi?

- Ha (Xudoga shukr, shuni o'rganibdi, dedim ichimda).

- Shu matnni to'liq matn qator oralari intervalini ikkiga o'tkazing-chi - o'zim ishlab turgan Word dasturidagi matnni ko'rsatib, talabaga joy bo'shatdim.

- Bitta-bitta har bir qator boshiga "enter" ni urib chiqaman (hafsalam pir bo'ldi). Excell dasturini ochib, 2 ta 3 xonali son yozdim. Biri 2022-yilgi hosil, ikkinchisi 2023-yilgi hosil. Hosildorlik qancha foizga oshibdi?

Klavatura va "sichqoncha"ni ancha ovora qildi, lekin hosildorlik o'sish foizi chiqmadi.

-Sizda "Exsell" boshqacha ekan.

- Talab va ehtiyoj nomli iqtisodiy kategoriya-lar bor-ku, ular o'rtasidagi farqni bilasizmi? Sukut...

- Maktabda o'tgandig-a, uchburchak yuzasi qanday o'lchanadi?

- 3 ta tomonlarini ko'paytirib chiqamiz.

- Aylana yuzasi-chi? (to'g'risi, aylanada yuza bo'lmaydi, doirada yuza bo'ladi degan javobni kutganim ham yo'q).

- Yodimga kelmayapti-da...

- "Doing business" nomli xalqaro reyting haqida bilasizmi?

- Bilmadim, biznes qilish degani tarjimai.

- Buyuk ajdodimiz Mir Alisher Navoiyning "Xamsa"si dostonlari nomlarini sanab o'ting-chi.

- Yodimda yo'q.

- Registondagi Sherdor madrasasini qurdirgan buyuk ajdodimiz kim?

- Ulug'bek ..., yo'q, adashdim, Amir

Temur qurdirgan.

- Yana bir buyuk ajdodimiz Abdurauf Fitrat, u kishi yashagan davr haqida fikrlaringizni bildiring-chi.

Uzoq sukut.

Kimni yo kimlarnidir, qayerlarnidir tanqid qilish maqsadida bitmadim bu yozuvni. Faqat bugun oliy ta'lim, qo'yingki, o'rta ta'lim muassasalarida nimalar o'qitilyapti, shunga qiziqib qoldim, xolos".

G.MO'MINOVA.

REKLAMA, E'OLONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUROJAAT UCHUN TELEFON: 66-233-91-56

DA'VOLAR BO'LSA...

Samarqand shahrida xususiy amaliyot bilan shug'ullanuvchi notarius Isoqulova Nigora Turdiqulovna notarial idorasida marhum Fazilov Asatga (2022-yil 28-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Isoqulova Nigora Turdiqulovna notarial idorasiga murojaat etishlarini so'raymiz.

Manzil: Samarqand shahri Abu Rayhon Beruniy ko'chasi, 12-uy.

Samarqand shahrida xususiy amaliyot bilan shug'ullanuvchi notarius Qodirova Mavluda Turanboyevna notarial idorasida marhum Tagiyeva Sayyora Djavadovnaga (2017-yil 12-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Qodirova Mavluda Turanboyevna notarial idorasiga murojaat etishlarini so'raymiz.

Manzil: Samarqand shahri Farhod ko'chasi, 34-uy.

Samarqand shahrida xususiy amaliyot bilan shug'ullanuvchi notarius Isoqulova Nigora Turdiqulovna notarial idorasida marhum Yuldasheva Lubatga (2017-yil 21-noyabrda vafot etgan) tegishli mol-mulk uchun

meros ishi ochilmoqda. Shu munosabat bilan merosxo'rlarning Isoqulova Nigora Turdiqulovna notarial idorasiga murojaat etishlarini so'raymiz.

Manzil: Samarqand shahri Abu Rayhon Beruniy ko'chasi, 12-uy.

Samarqand shahrida xususiy amaliyot bilan shug'ullanuvchi notarius Isoqulova Nigora Turdiqulovna notarial idorasida marhum Tairova Buvrabiyyaga (2022-yil 30-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Isoqulova Nigora Turdiqulovna notarial idorasiga murojaat etishlarini so'raymiz.

Manzil: Samarqand shahri Abu Rayhon Beruniy ko'chasi, 12-uy.

Samarqand shahrida xususiy amaliyot bilan shug'ullanuvchi notarius Isoqulova Nigora Turdiqulovna notarial idorasida marhum Gulyamov Muso Iskandarovichga (2023-yil 3-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Isoqulova Nigora Turdiqulovna notarial idorasiga murojaat etishlarini so'raymiz.

Manzil: Samarqand shahri Abu Rayhon Beruniy ko'chasi, 12-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Najmitdinov Aliga (1989-yil 26-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.

Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Sultonov Xalimga (1974-yil 21-iyunda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.

Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Yun Rolyaga (2005-yil 31-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial

idorasiga murojaat etishlarini so'raymiz.

Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Nurulayev Egamberdiga (2021-yil 13-iyunda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.

Manzil: Samarqand shahri Mirzo Ulug'bek ko'chasi, 80-uy.

Payariq tumanida xususiy amaliyot bilan shug'ullanuvchi notarius Ortiqboyev Aziz Azamatovich notarial idorasida marhum Babayarov Norkilich Norbutayevichga (2021-yil 18-dekabrda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ortiqboyev Aziz Azamatovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 73-uy.

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Rasulova Robiya Rashidovnaga (2008-yil 6-yan-

varda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.

Manzil: Samarqand shahri Mirzo Ulug'bek ko'chasi, 80-uy.

Samarqand shahrida xususiy amaliyot bilan shug'ullanuvchi notarius Bahromova Feruza Zoirovna notarial idorasida marhum Nuraliyev Raxmonga (2020-yil 19-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Bahromova Feruza Zoirovna notarial idorasiga murojaat etishlarini so'raymiz.

Manzil: Samarqand shahri Gagarin ko'chasi, 121-uy.

Samarqand shahrida xususiy amaliyot bilan shug'ullanuvchi notarius Tursunov Suhrob Berdiqulovich notarial idorasida marhum Asadov Shukurga (2010-yil 11-iyunda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Tursunov Suhrob Berdiqulovich notarial idorasiga murojaat etishlarini so'raymiz.

Manzil: Samarqand shahri Beruniy ko'chasi, 200-uy, 3-xona.



Shu yilning 25-iyul kuni mash’um xabar tarqaldi... “O‘zbekistonda xizmat ko‘rsatgan madaniyat xodimi, “Shuhrat” medali sohibi, O‘zbekiston Yozuvchilar uyushmasi a‘zosi, adib Luqmon Bo‘rixon 58 yoshida vafot etdi”. *Barcha adabiyot muxlislariyu uni taniganlar chuqur qayg‘uda qoldi. Ustoz Luqmon Bo‘rixon shubhasiz, el suygan adib edi. Nihoyatda mehnatkash, odamoxun, eng muhimi, shogirdparvar inson edi. Atrofidan yoshlar arimasdi. Har biri bilan alohida ishlar, ijodiy ishlari bilan tanishishdan, maslahat berishdan charchamasdi. Necha yillar oldin mening “Jiyron” hikoyamni o‘qib, “Bunda qissa yuki bor, qaytadan bir ko‘ring, buyog‘iga biz ham qarab turmaymiz, kamchiliklari bo‘lsa, birgalikda tuzatamiz”, degan edi. Afsuski, men bunga na qunt qildim, na hafsala. Vaqt esa o‘tib ketyapti, hatto Luqmon Bo‘rixondek ulug‘ inson ham o‘tdi... Yoshlardan ko‘p umid qilardi, ko‘p yaxshi ishlar kutardi. Lekin yoshlar tirikchilik tashvishi yoki boshqa sabab men kabi Ustozning o‘g‘itlarini unutib qo‘yaypmiz.* *Bugun barcha ustoz Luqmon Bo‘rixonni yaxshi xotiralar bilan eslayapti, men ham u kishi bilan suhbat qurgan, ijodi bo‘yicha baholi qudrat fikrlashgan ekanman. Shuni siz azizlarga ilingim keldi...*

“YURT QISMATIGA MAS’ULLIK YOZUVCHINING IJODIY LABORATORIYASIDIR”

O‘zbekistonda xizmat ko‘rsatgan madaniyat xodimi, yozuvchi Luqmon BO‘RIXON bilan so‘nggi suhbat

1965-yilda Qashqadaryo viloyatining G‘uzor tumanidagi Yangiobod qishlog‘ida tug‘ilgan. Toshkent davlat universitetining jurnalistika fakultetini tamomlagan. Dastlabki hikoyasi — “Begimqul katta”. Shundan so‘ng yozuvchining “Yalangoyoq”, “Sirli muallim”, “Xizr ko‘rgan yigit” singari hikoya va qissalar to‘plamlari nashr etilgan. “Jaziramadagi odamlar”, “Olov tutgan odam”, “Temiryo‘l”, “Begonalar yurmas bu yerda”, “Imom Moturidiy” romanlari muallifi.

– Ustoz, SO‘Z – siz uchun nima? Yozuvchining hayotida so‘zning ahamiyati qay darajada deb o‘ylaysiz?

- Insonning insonligi uchun suv, havo qanchalik muhim bo‘lsa, so‘z ham shunchalik zarur. Yaratganning ulug‘ ne‘mati – so‘z. Hayvonlardan insonni so‘z ajratib turadi. Inson his-tuyg‘ularini jamlab, bir-biriga yetkaza oladi. Yozuvchilarga so‘z bilan so‘zlashish imkoniyati berilgani katta baxt. Biz yozuvchilar asosan so‘z bilan ishlaymiz. Qalb kechinmalarini so‘zda ifodalashga harakat qilamiz. So‘z samimiyatni yaxshi ko‘radi, u bir jonli xilqat. So‘zga xiyonat qilmaslik kerak. U bilan ishlayotganda ibodatga chog‘langandek tozalalanib kirish kerak. So‘z shunday ulug‘ ne‘matki, yozuvchi unga munosib bo‘la olishi kerak.

– Yoziшни qachon boshlagansiz?

– Yozuvchiga iqtidor berilishi bir ne‘mat. Ilhom, adabiy iqtidor bir mas’ullikdir. Yozuvchiga faqat qog‘ozga to‘kish jarayonida emas, atrofdaagi har bir hodisadan ilhom keladi. Ilhom juda zarur. Uning kelmay qolishini men tasavvur qila olmayman. Yozuvchiga ilhom ke-

lishi yomg‘ir yog‘ishiga o‘xshaydi. Asta-sekin tug‘iladi. Yangi fikrlar qo‘shiladi.

– Luqmon Bo‘rixon ijodxonasi qanday olam? U asarlarini qanday yaratadi? Ijod jarayoningizdagi iztirob va sevinch haqida so‘zlab bersangiz...

– Yozuvchining uyi ham, oilasi ham, ish joyi ham ijodiy laboratoriya. U nimanidir o‘ylaydi, inkor qiladi, e‘tirof etadi. Yozuvchi voqelikka yozuvchilik nigohi bilan qaraydi. Yozuvchining hayoti darddan, iztirobidan iborat bo‘ladi. Aslida yaxshi asar quvonchdan emas, iztirobdan tug‘iladi. Xalq qismatiga, yurt qismatiga mas’ullik uning ijodiy laboratoriyasidir.

– Qissalaringizdagi milliy va umuminsoniy qadriyatlar ifodasi qanday deb o‘ylaysiz?

– Dunyoda ikkita haqiqat bor. Tug‘ilish va o‘lish. Qolgan hammasi tasavvurdan iborat. Baxtsizlik degan tushuncha siz uchun baxtlilik bo‘lishi mumkin. Bu hammasi xayolot mahsulii. Yozuvchi ham shunday ifodalaydi. Agar u mahorati bo‘lsa, u sizni ishonтира oladi. Faqat ashyoviy dalillardan emas, badiiy vositalardan foydalanadi. Bu yozuvchining mahoratiga bog‘liq. Adabiyot mohiyatiga ko‘ra gumanitar fanlarga kiradi. Adabiyot juda bepoyon joy. Har bir kishida o‘z nuqtai nazari bor. Adabiyotda hamisha yaxshi asarlar bo‘ladi. Meni ko‘proq Sharqu G‘arbning mumtoz adabiyoti maftun qiladi.

– “Jaziramadagi odamlar” romaniga “Bir otim bor, ajabgina, dumlari gajakkinna. Hali kelsa... kula-kula o‘lasiz”, degan topishmoqni epigrafi sifatida olgansiz. Nega bu topishmoqni epigrafi qilib tanlagansiz,

yozuvi”, “Maktabda Xoja Ahmad Yassaviy hayoti va ijodini o‘rganish”, “O‘zbek tili”, “O‘zbek tilida ish yuritish”, “Nutq madaniyati” singari kitoblari nashr etilgan.

Murodqosim Bolbekovich ilmiy rahbarligida o‘nga yaqin tadqiqotchi falsafa doktori (PhD) dissertatsiyasini yoqlagan. Yana o‘nga yaqin tadqiqotchilarning ilmiy tadqiqot ishlariga rahbarlik qilmoqda. U hozirda SamDU, QarDU, JizDPU huzuridagi filologiya fanlari bo‘yicha ilmiy daraja beruvchi ilmiy kengashlar a‘zosi.

Domla uzoq yillar universitetning filologiya fakulteti o‘quv-uslubiy kengashiga raislik qildi. Ayni paytda ham jamoatchilik asosida Oliy ta‘lim, fan va innovatsiyalar vazirligi huzuridagi “O‘zbek tili va adabiyoti” o‘quv-uslubiy birlashmasi eksperti hamda “O‘zbek shevashunosligi” markazi direktori o‘rinbosari va muvofiqlashtiruvchi kengash a‘zosisdir.

Tinib-tinchimas olim 60 yoshni qarshiladi. Kishi bu yoshda ayni kuchga to‘lgan, fikrlari pishib yetilgan, katta tajriba va bilimni qo‘lga kiritgan bo‘ladi. O‘ylaymizki, Murodqosim Abdiyev o‘zbek tilshunosligiga yanada ulkan hissa qo‘shadi va yangidan-yangi ilmiy-uslubiy maqolalari, darsliklari, risolalari bilan ona tilimizni boyitadi. Zero, Yusuf Xos Hojib aytganidek: “Olimlarning ilmi xalqqa mash’aladir, mash’ala bo‘lgach, qorong‘ida kishi adashmaydir”.

Jo‘liboy ELTAZAROV, “Ipak yo‘li” turizm va madaniy meros xalqaro universiteti birinchi prorektori, filologiya fanlari doktori, professor. Shahriyor JO‘RAYEV, filologiya fanlari bo‘yicha falsafa doktori (PhD).

Ma’rifat

2023-yil 23-sentabr, shanba

[↓ O‘qing, qiziq](#)

MISR VA FIR’AVNLAR HAQIDA



Kleopatra tarixdagi eng boy ayollardan biri bo‘lgan. Uning shaxsiy kapitali zamonaviy hisobda deyarli 96 milliard dollarni tashkil etgan. U go‘zalligi bilan emas, balki aql-zakovati va jozibasi bilan insonlarni hayratda qoldirgan.

Misrda piramida quruvchilarining ishdan javob so‘ragan kunlarining sababi bitilgan yozuvlar topildi: "chayon tishladi", "pivo pishirdim", "xotinim betob edi"...



Qadimgi Misr qiroli Peopi II rekord darajada uzoq vaqt hukumatda qolgan. Dalillarga ko‘ra, u olti yoshida taxtga o‘tirgan va 94 yil hukmdorlik qilgan.

2013-yilda Manchester muzeyidagi Misr haykalchasi sirli ravishda qimirlagan.

Qadimgi misrliklar mushuklarni uy hayvonlari sifatida saqlash uchun emas, balki mumiyolash marosimi va xudolarga qurbonlik qilish uchun saqlashgan. Ular muqaddas deb bilgan hayvonni vafot etganlarning keyingi hayotida madadkor bo‘lishi uchun mumiyolagan.

Qadimgi Misrda fir‘avnlar bo‘lmagan. "Fir‘avn" so‘zi birinchi marta Injlida uchraydi va u "hukmdor" emas, balki "saroy" degan ma‘noni anglatadi.

Iskandariya yaqinida Mark Entoni va Kleopatra qabri borligi manbalarda keltirilgan. Ammo arxeologlar uni haligacha topa olishmagan.

Qadimgi misrliklar ishlatgan asboblari – keski, yog‘och bolg‘a va boshqalar yordamida Buyuk Piramidaning 2,5 tonnalik oddiy plitagini yaratish uchun atigi to‘rt kishi va to‘rt kun kerak bo‘lgan.

Internet ma’lumotlari asosida G.XOLDOROVA tayyorladi.

Joriy yil 7–10-sentabr kunlari Xiva shahrida xalqaro etnosport festivali bo‘lib o‘tdi. Unda dunyoning 63 mamlakatidan mingga yaqin sportchi ishtirok etdi.

Toyloqlik polvon Xivada faxrli o‘ringa munosib ko‘rildi

Festival doirasida 12 sport turi bo‘yicha turli tadbirlar, jumladan, belbog‘li kurash bo‘yicha xalqaro turnir, o‘zbek jang san‘ati, mas-restling, bahodirlar o‘yini va tosh ko‘tarish bo‘yicha jahon chempionatlari o‘tkazildi. Faxriylar o‘rtasida tosh ko‘tarish musobaqasida toyloqlik Meroj Ismoddinov uchinchi o‘rinni qo‘lga kiritdi.

- Yurtimiz hududida tarixan juda ko‘p milliy xalq o‘yinlari bo‘lgan va ular avloddan avlodga o‘tib kel-yapti, - deydi faxriy sportchi. – Bu o‘yinlarning zamirida yoshlarning sog‘lom va baquvvat, yurt koriga yaraydigan inson bo‘lib shakllanishiga undash bor. Yoshligida bunday sport o‘yinlariga ishtiyoq bilan ulg‘aygan kishi jismonan tetik va sog‘lom bo‘ladi. O‘zim ko‘p yillardan buyon tosh ko‘tarish sport turi bilan shug‘ullanaman. Yetmishni qoralayapman, Xudoga shukur, salomatligimdan shikoyatim yo‘q. Bunday tadbirlarda faxrli o‘rinlarni olish quvonarli, albatta.

S.MARDIYEV.

SHU OYDA TAVALLUD TOPGANLAR

22-SENTABR

Abdurashid ABDURAHMONOV – (1947-2009) Urgut tumanida tug‘ilgan. Filologiya fanlari nomzodi, professor.

27-SENTABR

Sharifa DAVRONOVA - 2006-yilda Samarqand shahrida tug‘ilgan. O‘zbekiston xotin-qizlari o‘rtasida yengil atletika bo‘yicha birinchi jahon chempioni. Ikki karra Osiyo chempioni.



MUASSIS: Samarqand viloyati hokimligi

Bosh muharrir: Farmon TOSHEV

Gazeta O‘zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro‘yxatga olingan. Nashr 100. Indeks 438. 16 413 nusxada chop etildi. Buyurtma 513. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, **REKLAMA VA E‘LONLAR:** (66) 233-91-56

BO‘LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug‘ Tursunov ko‘chasi, 80-uy, Matbuot uyi.

Gazeta «Zarafshon» tahririyatining kompyuter bo‘limida sahifalandi.

«Noshir lux» MCHJ bosmaxonasida chop etildi. **Korxona manzili:** Samarqand shahri, Spitamen ko‘chasi, 270-uy.

Bosishga topshirish vaqti: soat 18:30 da. Bosishga topshirildi: soat 19:00

Navbatchi muharrir:

G‘.HASANOV.

Navbatchi:

D.TO‘XTAYEV.


Sahifalovchi:

B.ABDULLAYEV.



Saytimizga o‘tish uchun QR-kodni telefoningiz orqali skaner qiling

ISSN-201667X



Sotuvda narxi kelishilgan holda